

Nunatsinni Ilisimatusarnermik Siunnersuisoqatigiinnut ataqatigiissaarisoq / AC-fuldmægtigi

Avatangiiisut, Pinngortitumut, Nukissiuutitut Ilisimatusarnermullu Naalakkersuisoqarfimmi Ilisimatusarnermik ingerlatsiviup ataani Nunatsinni Ilisimatusarnermik Siunnersuisoqatigiit allatseqarfianni novembarip aallaqqaataani imaluunniit piaarnerpaamik atorfinittussamik, Siunnersuisoqatigiit tunniusimasumik, suliatigullu pikkorissumik ataqatigiissaarisussarsiorput / AC-fuldmægtigissarsiorput. Aaqqissuussisimanermi suliatigut itisiliineq, suleqatigiinneq, inuiaqatigiinnilu pingaaruteqartut ukkatarineqarlutik atorfimmi ulluinnaat pissanganarlutillu unammillernarput. Siunnersuisoqatigiit suliaasa ineriartortinneqarnissaannut aamma tapersersornissaannut, suliaqarfiillu pingaarutillit siumut ingerlanissaasa qulakkeerneqarnissaannut ataqatigiissaarisutut qitiusumik inissisimassaati.

Nunatsinni Ilisimatusarnermik Siunnersuisoqatigiit pillugit

Kalaallit ilisimatusarnerat inuiaqatigiinnut iluaqutissanngorlugu siuarsarnissaanik, ineriartortneratalu nukittorsarnissaanik siunertaqarluni Nunatsinni ilisimatusarnermik Siunnersuisoqatigiit arlaannaannulluunniit attuumassuteqarani nunap iluani ingerlatsiviuvoq. Siunnersuisoqatigiit qitiusumik suliaasai marluk tassaapput ilisimatusarnermut aningaasaliissutit atugassiissutigisarneri, ilisimatusarnermillu suliaqarnermut aamma Ilisimatusarnermi politikikkut apeqqutitut tunngatillugu aalajangiisartunut, soqutigisaqatigiinnullu siunnersuineq. Taassumap saniatigut ilisimatusarnermi nunat assigiinngitsut suleqatigiinnerini Kalaallit Nunaata peqataanerata nukittorsarnissaa, ilisimatusarnerq pillugu ingerlatitseqqiisarnep siuarsarnissaa, ilisimatusarnerullu Kalaallit Nunaanni inuiaqatigiit piujuartussamik ineriartortinneqarnissaannut tapertaasup tapersersornissaa siunnersuisoqatigiit suliaqarfigai.

Inatsit atuuttoq naapertorlugu siunnersuisoqatigiit sulinerat ataqatigiissaarisutut tunngavississavat, naalakkersuisoqarfillu susassaqartoq aqqutigalugu Naalakkersuisut ataqatigiissaareqatigalugit siunnersuisoqatigiit, taakkualu siulersuisuisa takorluugaasa, anguniagaasalu piviusunngortinneqarnissaannut tapersersuillutit.

Ataqatigiissaarisutut suliatigut siunnersuisoqatigiit siulittaasuat qaninnertut attavissaraat, aaqqissuussaaniikkullu Nuummi Ilisimatusarnermik ingerlatsivimmi inissisimassallutit. Naleqquttumik kandidatitut ilinniarsimasuunissat naatsorsuutigaarput. Taamaakkaluartoq qinnuteqartut naleqquttumik bacheloritut ilinniarsimasut, misilittagaqarluartullu aamma piukkunnaateqarsinnaapput. Naleqquttumik misilittagaqarlutik immikkut piukkunnaateqarlutik qinnuteqartunut, immikkut siunnersortitut imaluunniit siunnersortaanertut atorfinitsissanerluta nalilersinnaassavarput.

Suliasat

Tamatigoortumik ulluinnaqarlutit suliasatit ilaatigut tassaassapput:

- Siunnersuisoqatigiit ataatsimiinnissaannut suliasanik piareersaasiorneq, Siunnersuisoqatigiillu aalajangigaannik malitseqartitsineq.
- Ilisimatusarnermi aningaasat pillugit saqqummiussassamik pilersaarusiorneq, saqqummiussinerlu, matumani siunnersuisoqatigiit aningaasaataannik qinnuteqaatinik suliaqarneq, qinnuteqartunullu siunnersuineq ilanngullugit
- Siunnersuisoqatigiit ataatsimiinnerini imaqarniliorneq.
- Siunnersuisoqatigiit Ilisimatusarnermi politikikkut aamma ilisimatusarnermi suliaqarnermut siunnersuisarneranik ineriartortitseqataaneq, matumani assersuutigalugu tusarniutitut akissutit, ilisimatusarnermilu politikikkut suliat ilanngullugit

- Nunap karsianut missingersuusiorneq kiisalu akuerineqartussanik naatsorsuusiorneq
 - Attaveqarnermi suliassat
 - Ukiumoortumik nalunaarusiorneq, tusagassiorfinnut nalunaarusiornerit, allatigullu avammut attaveqarnissamut suliassat
 - Siunnersuisoqatigiit nittartagaannik kiisalu nittartakkatigut inuit attaveqatigiittarfiini oqaatsit pingasut atorlugit malinnaatitsineq
 - Tulliuttunik suleqateqarluarnissap aaqqiissuunnissaa
 - Naalakkersuisoqarfik susassaartoq
 - Nunat assigiinngitsut akornanni suliffeqarfiit Issittumi, Nunanilu Avannarlerni ilisimatusarnernut, ilisimatusarnermilu attaveqaasersuutitut aningaasaliisartut
 - Ilisimatusartut
 - Suleqatit, soqutigisaqatigiillu allat
- Siunnersuisoqatigiit suliassaqaarfiisa iluini allanik aamma suliassaqaarsinnaavoq.

Atorfinitsitsinissami pingaartipparput

- Ilisimatusarnerup iluani piginnaasaqarneq, ilisimatusarnermilu politikkimut tunngasunik ilisimasaqarneq
- Kalaallit Nunaanni ilisimatusarnerup iluani systemimut aamma ilisimatusarnermi politikkimut, ajornanngippallu issittumi aamma nunani avannarlerni ilisimatusarnermik siammasissumik ilisimasaqarneq
- Ilisimatusarnermut aningaasaliisarnerup iluani, nalinginnaasumillu allaffissornermik piginnaasaqarneq
- Nunat assigiinngitsut akornanni ilisimatusarnikkut suleqateqarnerup iluani piginnaasaqarneq
- Oqaluttariarsornikkut allattariarsornikkullu oqaasertaliisinnaassuseqarluarneq, matumani ilanngullugit kalaallisut, qallunaatut, tuluttullu

Tassunga atatillugu kissaatigineqarpoq atorfimmu piukkunnartoq

- Nunanik assigiinngitsunik, najukkamilu suleqateqarnermi ilaatigut ulapaarfiusinnaasumi namminersorluni, siunnerfilimmik, aaqqiissuussamik, peqqissaartumillu sulisinnaassuseqassasoq
- Suleqateqarluarsinnaassuseqassasoq, suliassaminullu aamma suliat ingerlanneqartarnerinut paasisimasaqarluassasoq

Atorfeqartoq siammasissumik aamma akimortumik, suliaqarfimmilu avataani sulisinnaassasoq naatsorsuutigineqarpoq. Taassumap saniatigut Nunatsinni Ilisimatusarnermik Siunnersuisoqatigiit ingerlataat atorfinittup ilisimatusarnermi politikkimut ataqatigiississinnaassavai, siunnersuisoqatigiillu ineriartorteqqinnissaannut siunnersuisinnaassalluni.

Neqeroorutigaarput

- Suliatigut ineriartornissamut periarfissagissaarluni qaffasissumik suliaqarfimmi atorfik unammillernartoq
 - Annertuumik akisussaaffeqarneq, pitsaasumillu allanngueqataanissamut assinganik periarfissaqarneq
 - Suliaqarfiup ineriartupiloortup iluani nammieersinnaassuseqarneq
 - Suliaqarfik nunami, nunarsuarmilu pisunik annertuumik ukkataqartoq
- Atorfimmut atatillugu angalasoqartassaaq.

Paasissutissat annertunerusut

Atorfik pillugu annertunerusumik paasissutissat, allaffimmi pisortamut Kunuk Holm-imut, oqarasuaammut +299 345127, e-mailimut: khol@nanoq.gl attaveqarnikkut pissarsiarineqarsinnaapput

Aningaasarsiatigut atorfinitsitaanermilu atugassarititaasut

Akissarsiat atorfininnermilu atugassarititaasut, tassunga ilanngullugit atorfinitsitaanermi soraanermilu angalanissamut akiliunneqarnissamut pisattallu nassiunneqarnerannut Kalaallit Nunaanni Namminersorlutik Oqartussat kattuffiullu isumaqatiginniarsinnaatitaasup attuumassuteqarfigisap akornanni isumaqatigiissutaasut atorfininnerup nalaani atuuttut naapertorlugit ingerlanneqassapput.

Qinnuteqartoq uppersaataitalinnik piginnaasalik immikkut siunnersortitut, siunnersortit pisortaatusiunnersortaanertulluunniit isumaqatigiissutit naapertorlugit atorfinitsinneqarsinnaasarpoq.

Najugaq

Atorfimmut atatillugu sulisunut inissiamik innersuussisoqarsinnaanngilaq. Qinnuteqartoq Namminersorlutik Oqartussani atorfeqarnermini sulisutut ineqartinneqareersimaguni sulisutut ineqarsinnaatitaanini tigummiinnarsinnaavaa. Atorfimmut atatillugu ini atorfeqarnermut tunngavoq, taamaalilluni atorfeqarnerup unitsinnerani qimanneqassalluni.

Qinnuteqaat

Qinnuteqaat, CV matumanilu inuussutissarsiutinik misilittagaqarninnik uppersaasinnaasunut attavissat ilanngullugit, ilinniarsimanermut aamma pikkorissarsimanermut uppersaatatit kiisalu paasissutissat allat naleqquttut, "Qinnuteqaat nassiuguk" toorneratigut nassiutikkut.

Qinnuteqaat kingusinnerpaamik 14. September 2026 nassiunneqassaaq Qinnuteqaatinik mailikkut tigusineq ajorpugut.